

# **REFERAT MAA - Meeqqanut Atuarfeqarnermullu Ataatsimiititaq d. 08-12-2021**

**Mødedato** Onsdag d. 08. december 2021 kl. 18:00

**Mødested** Kommunalbestyrelsesip ataatsimiittarfia

# Indholdsfortegnelse

|   |    |
|---|----|
| Saqqaa.....   | 3  |
| Oqaluuserisassat akuerineqarneri.....   | 4  |
| Nalunaarutit.....   | 5  |
| Ittoqqortoormiini aamma Qeqertarsuatsiaani NUIKI pillugu ilisimatitsissut.....                    | 6  |
| Kitaani Nuummilu 2021-imut angerlarsimaffimmi paarsisartunik nakkutilliineq.....                  | 9  |
| Tunami nunaqarfinni neqeroorutip, angerlarsimaffimmi paarsisarnermut aqqissuussinerit, allanng... | 12 |
| Kommuneqarfik sermersuumi atuartut imminnut ilisareqatigiinnerulernissaannut ipad atorlugu unai   | 16 |
| 2022-mi politikkikkut ataatsimiiffissat.....  | 19 |
| Lukket.....   | 21 |
| Lukket.....   | 22 |
| Taasariaqartut allat.....   | 23 |
| Imaqarniliap akuerineqarnera.....   | 24 |

## **Punkt .: Saqqaa**

### **Ilaasortat:**

Juaaka Lyberth (IA) siulitaasoq  
Poul Petersen (D) siulitaasup tullia  
Mia Skifte Lynge (IA)  
Dorthe-Marie Mogensen-Fontain (S)  
Finn Karlsen (N)

### **Beslutning**

Peqataasut:

Poul Petersen (D)

Mia Skifte Lynge (IA)

Lone Rosengreen Pedersen (IA)

Finn Karlsen (N)

Oqarasuaatikkut:

Dorthe-Marie Mogensen-Fontain (S)

Peqataasinnaanitatit nalunaartut:

Juaaka Lyberth (IA) Lone Rosengreen Pedersen (IA) sinniissuvoq.

## **Punkt .: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

## **Punkt .: Nalunaarutit**

Siulittaasumiit nalunaarutit

Ingerlatsivimmiit nalunaarutit

### **Beslutning**

**Siulittaasumiit nalunaarutit:**

soqanngilaq

**Ingerlatsivimmiit nalunaarutit:**

- Meeqqanut Atuarfeqarnermullu Ingerlatsiviup akuersissutigereepaa, meeqqat 4-nik ukiullit tappissusiinik misissuisoqarnissaanik suliniut. 1. klassinut suliniummut naammasseqqammersumut nangillugu suliniutaavoq. Suliniut piumasqaataasut nalinginnaasut malillugit ilisimatusarnermi ileqqorissaarnermut siunnersuisooqatigiinnit (videnskabsetiske råd) akuerisaavoq, MA-milu nalilerneqarluni, suliniummi peqataaneq kommunimi meeqqanut iluaqutaassasoq. Taamaattorli meeraq peqataassanersoq peqataassannginnersorluunniit angajoqqaat aalajangissavaat.
- Immikkut atuartinneqarnissamik pisariaqartitsisut amerliartuinnarput. Taamaattumik MA ilinniartitsisup saniatigut allamik atorfinitsitsisariaqarsimavoq. Aningaasartuutit ukiumut missingersuutit iluini sapinngisamik matussusernissaat ingerlatsivimmit anguniarneqassaaq, taamaattorli 2022-mut TB-mut qinnuteqartariaqarluni.
- Arsummi decembarip aallaqqaataani angerlarsimaffimmi paarsisartumik atorfinitsitsisoqarpoq, taamaalilluni piffissami sivisuumi meeqqanik allatsittoqarsinnaasimanngereerluni allatsittoqarsinnaaleqqissalluni.
- Ingerlatsivimmi Ulluunerani Neqeroorutini fagcheffi soraarniuteqarpoq. Atorfimmut inuttassarsiortoqangajalerpoq.

# **Punkt 1: Ittoqqortoormiini aamma Qeqertarsuatsiaani NUIKI pillugu ilisimatitsissut**

## **Beslutning**

Ilisimatitsissut tusaatissatut tiguneqarpoq.

## **Ittoqqortoormiini aamma Qeqertarsuatsiaani NUIKI pillugu ilisimatitsissut**

Ilisimatitsissut

SagsID.: EMN-2021-10666

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

NUIKI suliniutaavoq inuusuttunut avinngarusimasumiittunut, suli ilinnialersimanngitsunut imaluunniit sulinnigitsunut, ilinniarnissamat kivitsisuuvoq. NUIKI-mik ingerlatsinermi ilinniartut suliniummut peqataareermik kingorna ukiup ataatsip iluani ilinniagaqalersimanissaat imaluunniit suliffittaarsimanissaat ilimanarnerulersarpoq.

Kommunalbestyrelsip 2021-mi siullermeertumik ilassutitut aningaasaliissuteqarnermut atatillugu Qeqertarsuatsiaani Ittoqqortoormiinilu NUIKI-mik ingerlatsinissaq pillugu isumaqatigiissuteqarnissaq akuersissutigaa.

NUIKI-mi ilinniartut kalaallisut, qallunaatut tuluttullu, meeqqat atuarianni inaarutaasumik misilitsinnissamat (FA) piareersaatitut, atuartinneqartarput misilitsillutillu. Tamatuma saniatigut atuartut ilinniagaqarnissamat ilitsersuunneqarlutillu inuttut ineriartornissamat atuartinneqartarput. Ingerlatap ingerlanneqarnerani atuartut Danmarkimut, ilinniagaqarfinnut ilinniartuuffissanullu pulaarnissamat atatillugu, paasisassarsiorlutik angalaqataassapput. Namminersorlutik Oqartussat atuartut nunaqarfinit (Qeqertarsuatsiaat) paasisassarsiorlutik angalanerit aningaasaliiffigissavaat, kommunilli nammineq illoqarfinit (Ittoqqortoormiit) atuartut paasisassarsiorlutik angalanerat aningaasaliiffigissavaa.

Meeqqanut Atuarfeqarnermullu Ingerlatsivimmi NUIKI-mut killiffik pillugu ataatsimiinneq ulloq 25. agusti 2021 ingerlanneqarpoq, tassanilu suliniutit killiffii oqaluuserineqarput:

### Qeqertarsuatsiaat:

- Atuartunut 20-t tikillugit amerlassusilinnut NUIKI-mik ingerlatsineq 2021-mi septembarip aallartinnerani aallartinneqarpoq. Ornigulluni ilitsersuinerup kingorna takkuttut amerlasimapput, arlallillu soqutiginninnertik takutissimavaat.
- Suli oqaatsinik ilinniartitsisumik atorfinitsitsisoqanngilaq, ilinniartitsisutulli atorfik inuttassarsiuunneqaqqippoq.
- Septembarip aallartinnerani ilitsersuisunik nunaqarfiliartoqassaaq, ilaatigut atuartunut nutaanut iliuusissatut pilersarusiornissaq siunertaralugu.
- Danmarkimut paasisassarsiorluni angalanissaq oktobarip qaammataani pissasoq naatsorsuutigineqarpoq.
- 2021-mi decembarip qaammataani atuarneq naliliiffigineqassaaq.

### Ittoqqortoormiit:

- Sukumiisumik isumaliutiginnittoqareernerata kingorna NUIKI-mik ingerlatsinissaq 2022-2023-mut kinguartinneqarnissaa aalajangiunneqarpoq. Aalajangiinermi tunngavigineqarput:

- Maanna NUIKI-mik ingerlatsinissamut atatillugu innuttaasunik innersuutassaqaqanngilaq, innuttaasut amerlasuut ilinniarnissamut akuerisaanikuummata illoqarfimmiillu aallarsimallutik imaluunniit Majoriami ingerlataqareerlutik.
- NUIKI-mik siunnersortinik Ittoqqortoormiinukartitsinissaq angallannikkut arlalitsigut unamminarsinnaasarpog.

NUIKI-mik ingerlatsinissamik kinguartitsineq 2022-mi januaarip qaammataani naliliivigineqaqqissaaq. Innuttaasut innersuunneqarsinnaasutut piukkunnaatillit arlaqarpata, kiisalu siunnersortit illoqarfimmut angalanissaannut periarfissat pitsaanerulerpata, NUIKI 2022-mi upernaakkut Ittoqqortoormiini aallartinneqaqqissaaq.

### **Ingerlatsivimmit aningaasatigut sulisoqarnikkullu naliliinerit**

Aningaasat Ittoqqortoormiini 2021-mi NUIKI-mik ingerlatsinissamut immikkoortinneqarsimasut Majoriami meeqqat atuarfianni ilinniartitsisunut akissarsianut aningaasartuuteqarnerulersimanermit Majoriamilu Meeqqat atuarfianni inaarutaasumik misilitsinissamut (FA) piginnaanngorsaaqqinnermut matussutigineqassapput, matumani ataqaqatigiissitsinissamut isumaqaqatigiissutip ilaatut, tassa atuartitsinerup FA-milu atuartut piginnaasaat qaffasinnerulersinneqarnissaannut tunngatillugu. Angalanissamut aningaasaliissutit siunertamut Majoriamut, ukiuni kingullerni marlunni missingersuutitigut ikilisaaffigineqarnermit unamminartorsiorsimasumut, matussutit ilaattut atorneqarnissaat naatsorsuutaavoq.

### **Suliffeqarfimmut Kiffartuussivimmit aningaasatigut naliliineq**

Pisariaqaqanngilaq.

### **Inatsisitigut tunngavissaq allakkallu tunngaviusumik uppersaatitallit**

- Inatsisartut inatsisaat nr. 28 ulloq 9. december 2015 suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit.

### **Ilanngussaq**

Ilanngussaqanngilaq.

## **Punkt 2: Kitaani Nuummilu 2021-imut angerlarsimaffimmi paarsisartunik nakkutilliineq**

### **Beslutning**

Ilisimatitsissut tusaatissatut tiguneqarpoq.

### **Bilag**

Kitaani Nuummilu 2021-imut angerlarsimaffimmi paarsisartunik nakkutilliinermi nalunaarusiaq



## **Kitaani Nuummilu 2021-imut angerlarsimaffimmi paarsisartunik nakkutilliineq**

Ilisimatitsissut

SagsiD.: EMN-2021-15919

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LMN

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- 2021-mi nunaqarfinni neqeroorutitik ulluuneranilu paarsisartunik nakkutilliineq pillugu ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersumi § 5, imm. 2 naapertorlugu, kommunalbestyrelsip meeqqanut ulluunerani neqeroorutit tamaasa nalinginnaasumik perorsaanermullu tunngatillugu nakkutigissavai. Meeqqanik angerlarsimaffimmi paarsisoqartillugu, ukiumut sisamariarluni nakkutilliilluni orninneqartassapput, taakkunanngalu ataasiarluni siumoortumik nalunaaqqaarani nakkutilliisoqartassalluni.

Kommuneqarfik Sermersooq kommunip nunaqarfiini meeqqanut suli atualinngitsunut (0-niit 6-nut ukiulinnut) perorsaanikkut inerikkiartuutaasunik ulluunerani arlalinnik neqerooruteqarpoq. Nunaqarfinni Kapisilinni Qeqertarsuatsiaanilu kitaaniittuni kommune nunaqarfinni taakkunani angerlarsimaffimmi paarsisartoqarpoq. Nuummi kommune angerlarsimaffimmi paarsisartunik marlunnik peqarpoq, meeqqat paarineqartarlutik angerlarsimaffimmi paarsisartut aappaata nammineq angerlarsimaffiani, angerlarsimaffimmi paarsisartup aappaa meeqqerivik Meeqqat paarsiffigisarlugu.

Siusinnerusukkat nunaqarfik Arsuq angerlarsimaffimmi paarsisartumik peqarfiunikuuvoq. Kisianni taanna matugallarnikuuvoq, meeqqat amerlassusaat nunaqarfirmilu paarsisoqarnissaanik pisariaqartitsinerup amigarnera pissutigalugu. Kisianni Ulluunerani neqeroorutitut immikkoortortap ilisimavaa, nunaqarfirmi paaritinnissamik pisariaqartitsisoqalerumaartoq, taamaalillunilu angerlarsimaffimmi paarsisoqartarneq atulenseqqinneqassalluni. Tamanna suli pisimanngippat, pissutaavoq, nunaqarfirmi meeqqat utaqqsut allattorsimaffiitut arlaannaannulluunniit angajoqqaavisa suli nalunaarutigisimannginnerat.

Ulluunerani neqeroorutitut immikkoortortap 2021-p ingerlanerani nunaqarfinni angerlarsimaffimmi paarsisartut Kitaaniittut Nuummilu nakkutilliiffiginikuuai.

Nakkutilliinerni taakkunani immikkut erseqqissaatigineqassaaq, Kapisilinni angerlarsimaffimmi paarsisartumut taartaasartumik pissarsinissaq ajornakusoortuummat. Taamaasilluni



angerlarsimaffimmi paarsisartoqarneq aasaq matugallartariaqarsimavoq, sulisut akornanni sivirusumik napparsimaneq pissutigalugu sulinggittoqarnera pissutigalugu.

Nakkutilliinerit nalaanni aamma erseqqissaatigineqarpoq, nunaqarfinni paarsisartuni sulisut attaveqarnerulernissaq perorarsaanermullu tunngasunik paarlaasseqatigiinnerulernissaq, kommunimilu ulluunerani neqeroorutinut tunngasuni sulisunik allanik isumassarsiornerusarnissaq ujjartortaraat. Tassunga atatillugu Ulluunerani neqeroorutinut immikkoortortap ulluunerani neqeroorutini sulisut pikkorissartinneqarnissaat sulissutigaa, nunaqarfinni sulisut tamatumani ilaatillugit, tamannalu iluatsillugu misilittakkanik isumassarsianillu avitseqatigiittoqarsinnaassalluni.

Nakkutilliinerit saniatigut Ulluunerani neqeroorutinut immikkoortortap aamma angerlarsimaffimmi paarsisartut ataavartumik ornittarpai, taakkunani sapaatip akunneranut pilersarusiornerit, meeqqanik misiliinerit, misiliinerillu taakkua ulluinnarni qanoq atorneqarsinnaanerisa suliarteranni ikiuuttoqartarluni. Tamakkua saniatigut sivikitsukkuutaamik pikkorissaasoqartarpoq. Ulluunerani neqeroorutinut immikkoortortaq nunaqarfinni angerlarsimaffinni paarsisartunut ataavartumik oqarasuaatikkut attaveqartarpoq, tassuuna sulisut siunnersorneqartarput, ulluinnarnilu apeqqutit assigiinngitsut pillugit ikiorserneqartarlutillu ikorfartuiffigineqartarput.

Ulluunerani neqeroorutinut immikkoortortaq skemamik assigiissaakkamik suliaqarnikuuvoq, nunaqarfinni angerlarsimaffimmi paarsisartunik nakkutilliinermit atatillugu atugassamik. Kisianni taanna 2021-mi nakkutilliartornernut atatillugu atorneqanngilaq, nakkutilliartorluni takkuffissap nalaani suli naammassineqarsimannginnera pissutigalugu. Ulluunerani neqeroorutinut immikkoortortap naatsorsuutigilluinnarpaa, skema 2022-mi nakkutilliartornerni aallaavigineqarluarumaartoq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq

### **Ilanngussaq**

1. Kitaani Nuummilu 2021-imut angerlarsimaffimmi paarsisartunik nakkutilliinermit nalunaarusiaq

## **Punkt 3: Tunumi nunaqarfinni neqeroorutip, angerlarsimaffimmi paarsisarnermut aaqqissuussinerit, allanngortinnera**

### **Beslutning**

Inassuteqaat akuersissutigineqarpoq.

### **Bilag**

Inatsisartut peqqussutaat nr. 10, 5. decembari 2008-meersoq, naqissuserneqartoq 24. septembari 2010 malillugu, nunaqarfinni misileraaneq pillugu aaqqissuussinerit qinnuteqaat.



## Tunumi nunaqarfinni neqeroorutip, angerlarsimaffimmi paarsisarnermut aaqqissuussinerit, allanngortinnera

Tasiilap nunaqarfiini 0-3-nut ukiulinnut paarsinissamik neqeroorummik pilersitsineq

Aalajangiiffigisassaq

SagsID.: EMN-2021-16054

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- nunaqarfinni neqeroorut akuerineqassasoq: Sermiligaami, Kuummiini, Tiilerilaami aamma Isertumi angerlarsimaffimmi paarsinermut aaqqissuussinermut allanngortinneqassasoq.
- Kulusummi angerlarsimaffimmi paarsisarnermut aaqqissuussap ammasarfiinik inuttaqartinneqarneratalu allanngortinneqarnissaat akuerineqassasut, inatsit malillugu.
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut aalajangiiffigisassanngorlugu ingerlateqqinneqassasoq

### Suliassamik saqqummiussineq

Tasiilap nunaqarfiini meeqqanut 0-3-nut ukiulinnut paarsinissamik neqeroorutit amigaataapput. Tamanna angajoqqaajusunut suliffilinnut kipiluttunarluinnartuuvoq. Ingerlatsivimmit kissaatigineqarpoq nunaqarfinni mikisunik meerallit illoqarfimmi paarsisarnermut periarfissaat assigalugit periarfissaqartinneqarnissaat.

Meeqqanut Atuarfeqarnermullu Ingerlatsiviup taamaattumik innersuussutigivaa, nunaqarfinni Sermiligaami, Kuummiini, Tiilerilaami aamma Isertumi meeqqanut 3-niit 5-inut ukiulinnut neqeroorutigineqareersut angerlarsimaffimmi 0-5-inut ukiulinnut angerlarsimaffimmi paarsisarnermik aaqqissuussanngortinneqassasoq ammarsarfialu ullumikkut 08.00-imiit 15.00-imut, 08.00-imiit 16.00-imut sivitsorneqassasoq.

Ingerlatsiviup ilanngullugu innersuussutigivaa, Kulusummi angerlarsimaffimmi paarsisarnermik aaqqissuussaaq, meeqqanut 0-imiit 5-inut, aamma akunnermik ataatsimik sivitsorneqassasoq ullumikkut 8.00 - 15.00-imut ammasartuq 8.00 - 16.00-imut sivitsorlugu.

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit inatsisartut inatsisaat nr. 16, 3. december 2012-imeersoq kap. 4 aamma 5 malillugu nunaqarfimmi neqeroorut meeqqanut suli atualinngitsunut akeqanngitsumik neqeroorutaavoq. Neqeroorut Sermiligaami, Kuummiini, Tiilerilaami aamma Isertumi meeqqanut 3-5-inut ukiulinnut sammitinneqarpoq, takuuk misiliummik aaqqissuussineq "Nunaqarfinnut aaqqissuussineq", 24. septembari 2010-mi akuerineqartoq (ilanngussaq 2). Aaqqissussami 0-2-nik ukiullit ilanngunneqarsimannginnerinut pissutaavoq, sulisunik perorsaasarnermik ilinniagalinnik pissarsisinnaasimannginneq aamma pissarsiarineqarnissaannut illumik pilersitsisinnannginneq. Nunaqarfinni neqeroorutini inersimasut akissarsiaqartinneqassapput angerlarsimaffimmi paarsisarnermut aaqqissuussineq malillugu. Ingerlatsineq kommunimit akilerneqartarpoq.

Angerlarsimaffimmi paarsisarnermik aaqqissuussineri paarsisartut meeqqanik 4-nik 0-5-inut ukiulinnik paarsinissamat akuerisaapput. Angerlarsimaffimmi paarsisarneq akeqarpoq kommunalbestyrelsillu aalajangigaanik malittarisassat atuuttut malillugit akiliisoqartarpoq. Angerlarsimaffimmi paarsisartuq ataaseq qaammammut 20-23.000 kr.-t missaanik akeqarpoq (ukiumut 275.000 kr.-t miss.). Nunaqarfinni angerlarsimaffimmi paarsinermik aaqqissuussiffiusuni paarsisartut kommunimit kommunip illuutaasa ilaanni katersorneqarsinnaapput.

Isertumi, Tiilerilaami, Kuummiuni Sermiligaamilu nunaqarfinni neqeroorutit aamma Kulusummi angerlarsimaffinni paarsisartunik aaqqissuussineq kommunip illuutaaniitsinneqarput Dr. Ingrid-illu Meeqperiviani aqutsisumit aqunneqarlutik. Aningaasaqarneq akisussaaffigivaa assigiinngitsunillu pisisarpoq, soorlu nerissat, pinngussat allallu. Taanna nunaqarfinni neqeroorutini angerlarsimaffimmilu paarsisarnermik aaqqissuussinermi sulisunik nakkutiginnittuuvoq, ilitsersuisuullunilu tapersersuisuuvoq. Inatsisit atuuttut naapertorlugit taamatut iliortoqassaaq. Nunaqarfinni neqeroorutitut angerlarsimaffimmilu paarsisunut aaqqiissutit meeqqat utaqqisut amerlassusaat malillugu naleqqussarneqartassapput. Tamanna ukiuni arlalinni ingerlalluarpoq.

### Ingerlatsivimmit aningaasatigut sulisoqarnikkullu naliliinerit

Nunaqarfimmi neqeroorutip angerlarsimaffimmi paarsisarnermik aaqqissuussanngortinneqarnissaani tulluuttut pisariaqartinneqarput:

Illuni, nunaqarfinni neqeroorutit inissisimaffiini, nerriviit, nangilersuisarfiusut assigisaannullu, qullartillugillu ammoortinneqarsinnaasut, pisiarinqassapput.

Pedelimut akunnerit akunnermik ataatsimik amerlineqassapput, imertarnermut uulialersuinermit il.il.

Siniffinnik taakkunungalu qipinnik allanillu kiisalu meeraaqqanut pinngussanik pisoqassaaq.

Nerisaqartitsinermit eqqiluisaarnissamullu atortussanut missingersuutit qaffanneqassapput.

Tiilerilaami, Sermiligaami, Kulusummi aamma Kuummiini angerlarsimaffimmi paarsisartunik amerlanerusunik pissarsinissaq pisariaqarpoq.

Aammalu Kuummiini Sermiligaamilu illunik nutaanik, angerlarsimaffimmi paarsisarfissanik, ullumikkut aaqqissuussinermut inissaqartinneqanngitsunik, nassaarnissaq pisariaqassaaq.

Nassuiaanerli uani suliasamik saqqummiussinermi ersersinneqarnaviannigilaq,

apeqqutaassamat illoqareernersoq siunertamut naleqquttunik imaluunniit nutaanik sanaartortoqassanersoq.

### Angerlarsimaffimmi paarsisartunik pilersitsinermit atatillugu ingerlatsinermit aningaasartuuteqarnerulerneq (missiliukkat):

| Nunaqarfik   | Nunaqarfimmi meeqqat massakkut paarsisarfimmiinngitsut amerlassusii: | Saniatigut sulisussat meeqqat nunaqarfimmi najugallit tamarmik inissamik neqeroorfigineqassap pata: | Saniatigut sulisunut akissarsianut aningaasartuutit: | Saniatigut nerisitsineq + perorsaaner mut atortut + illumik ingerlatsineq (2020-mi meeqqamut ataatsimut 11.000): |
|--|--|---|--|--|
| Isertoq  | 3  | +0  | 0 kr.  | 33.000 kr.   |
| Tiilerilaaq  | 3  | +1  | 275.000 kr.  | 33.000 kr.   |
| Sermiliga aq   | 12   | +3  | 825.000 kr.  | 132.000 kr.  |
| Kuummiit   | 14   | +4  | 1.100.000 kr.  | 154.000 kr.  |
| Kulusuk  | 10   | +2  | 550.000 kr.  | 110.000 kr.  |
| Katillugit   | 42   | +10   | 2.750.000 kr.  | 462.000 kr.  |
| Ingerlatsinermi aningaasartuutit ukiumut amerleriaataat katillugit |  |   |  | 3.212.000 kr.  |

Allat ataasiartumik aningaasartuutit (missiliorlugit) angerlarsimaffimmi paarsisartunik pilersitsinermit atatillugu:

| Nunaqarfik        | Nunaqarfimmi meeqqat massakkut paarsisarfirmiinngitsut amerlassusii: | Meeqqamut ataatsimut pequtunut saniatigut aningaasartuutit meeqqat tamarmik inissamik neqeroorfigineqassagaluarpata (meeqqamut ataatsimut 10.000 kr.): |
|-------------------|--|--|
| Isertoq           | 3  | 30.000 kr  |
| Tiilerilaaq       | 3  | 30.000 kr  |
| Sermiligaaq       | 12   | 120.000 kr.  |
| Kuummiit          | 14   | 140.000 kr.  |
| Kulusuk           | 10   | 100.000 kr   |
| <b>Katillugit</b> | <b>42</b>  | <b>420.000 kr.</b>   |

Siunnersuut akuerineqassagaluarpat, ingerlatsiviup TB (ilassutitut aningaasaliissutit) qinnutigissavai taassuma piviusunngortinnissaa pillugu.

### **Suliffeqarfimmut Kiffartuussivimmit aningaasatigut naliliineq**

2022-mut missingersuutini akuersissutigineqartuni angerlarsimaffimmi paarsisarnermut aaqqiissummut nunaqarfinni kommunip neqeroorutaata allanngortinneqarnissaanut aningaasanik immikkoortitsisoqarnikuunngilaq. 2022-mut missingersuutini nunaqarfinni neqeroorutaasup ingerlanneqarneranut maannakkut periuseq atorneqartoq naapertorlugu 2,25 mio. koruuninik immikkoortitsisoqarnikuuvoq.

Tunumi nunaqarfinni angerlarsimaffimmi paarsisarnermut aaqqiissutit atulersinneqarnissaat akuersissutigineqassappat, ukiumut ingerlatsinermut aningaasartuutit kiisalu angerlarsimaffimmi paarsisartoqalernermut atatillugu ataasiartumik aningaasartuutit matussuserniarlugit TB1-imi Meeqqanut Atuarfeqarnermullu Ingerlatsivik 3,6 mio. koruuninik qinnuteqartariaqassaaq. Tunumi angerlarsimaffimmi paarsisussanik peqalernissamut aningaasaliissuteqarnerunikkut kommunip siunertamut 03.01.01 Angerlarsimaffimmi paarsisartunut aningaasartuutai marloriaatingussapput.

### **Inatsisitigut tunngavissaq allakkallu tunngaviusumik uppersaattallit**

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-imeersoq, kap. 4 aamma 5.

### **Ilanngussaq**

1. Inatsisartut peqqussutaat nr. 10, 5. decembari 2008-meersoq, naqissuserneqartoq 24. septembari 2010 malillugu, nunaqarfinni misileraaneq pillugu aqqissuussinermut qinnuteqaat.

## **Punkt 4: Kommuneqarfik sermersuumi atuartut imminnut ilisareqatigiinnerulernissaannut ipad atorlugu unammisitsisalersinnaanermik siunnersuut**

### **Beslutning**

Dorthe-Marie Mogensen-Fontainip siunnersuutini tunuartippaa, UNGKOMBEST nammineerlutit siunnersuuteqarnikuugamit Kommunalbetyrelsimut.

### **Bilag**

Kommuneqarfik Sermersuumi atuartut imminnut ilisareqatigiinnerulernissaannut ipadimik CRAFT atorlugu unammisitsisalersinnaanermik siunnersuut pillugu suliatigut naliliineq

## **Kommuneqarfik Sermersuumi atuartut imminnut ilisareqatigiinnerulernissaannut ipad atorlugu unammisitsisalersinnaanermik siunnersuut**

Kommunalbestyrelsimi ilaasortap Dorthe-Marie Mogensen-Fontainip (S) Meeqqanut  
Atuarfeqarnermullu Ataatsimiititamut siunnersuutaa

Aalajangiiffigisassaq

SagsID.: EMN-2021-16364

Suliffeqarfimmur Kiffartuussivik - vicekommunaldirektøri Marie Fleischer / MAFL

### **Inassuteqaat**

Suliffeqarfimmi Kiffartuussiviup Meeqqanut Atuarfeqarnermullu Ataatsimiititamut inassuteqaatigaa:

- siunnersuut ataatsimiititami oqaluuserineqassasoq taamatullu suliap  
ingerlateqqinneqarnissaa aalajangiiffigineqassasoq

### **Suliassamik saqqummiussineq**

Kommunalbestyrelsimi ilaasortaq Dorthe-Marie Mogensen-Fontain (S) 9. oktobari 2021-mi  
aalajangiiffigisassatut siunnersuummik Meeqqanut Atuarfeqarnermullu Ataatsimiititamut  
nassiussaqqarpoq. Dorthe-Marie Mogensen-Fontainip kissaatigaa, Kommuneqarfik sermersuumi  
atuartut imminnut ilisareqatigiinnerulernissaannut ipad atorlugu unammisitsisalersinnaaneq  
oqaluuserineqassasoq

Siunnersuutigineranut tunngavilersuut:

*"Kommuneqarfik sermersooq tamakkilerluni atuartut ipadeqalilerput, tamannalu atuarfimmi  
atorluarnerunissaanut anguniagaqarluta atuartut kommuneqatigiinni imminnut  
ilisarimalaalernissaannuttaaq tapiliullugu kommune ataatsimoortoq pilersinniassalluguttaaq  
siunnersuuteqarusuppunga atuartut ipad atorlugu imminnut unammiaartalernissaannut.  
Kommuneqarfik sermersuumi ipad pillugu atuartitsinermit siunnersorteqarpoq, ilinniartitsisunilu  
ikiortinik atorfeqartitsilluttitaaq atuarfinni ipadeqarfiusuni tamani. Taamaattumik nukiit aammalu  
sulissusat pigineqareerput, atuartullu unammiaartarnissaannut ilusilersuinissamik  
amigaateqaannarluta.*

*Atuartut CRAFT malillugu suleriaaseq ingerlallugu najugarisaminni ajornartorsiummik imminermut  
attuumassuteqartumik sammisamik tunineqarnerisigut atuartut aaqqiissutissamik sanassapput IT  
atorlugu. Uanilu pisortaqatigiit aalajangiisinnaallutik ajornartorsiut sammineqartussa  
suusinnaaneranik, soorlu assersuutigineqarsinnaavoq eqqakkat, atuartullu atuarfimmini tamanna  
qanoq ajornartorsiutaanersoq aaqqiiviginiarsinnaavaat immaqa qulequtsiillutik atuarfimmi nerisanik  
eqqaasarneq.*

*Tassanilu atuarfik pillugu peqqussut nr. 15 2012-imeersoq stk. 41 IT atuartitsinermit tamani  
atuisinnaaneq aallaavigalugu unammiaartitsinerit ingerlanneqarsinnaallutik. Ajornartorsiummut  
aaqqiissutissat atuartut pilersitaat teamsikkut saqqummiunneqartarsinnaallutik, taamaasillutik  
imminnut ungasikkaluarlutik attaveqatigiissinnaallutik imminnullu ilisarimanerulersinnaallutik.  
Toqqammaviusumik atorlutigit pigereerpagut aammalu aqutissiuisussat pigineqareerlutik,  
nuannissaqaarlu ipadit atorluarneqarneri tassuuna takutissinnaassagutsigu. Ajugaasut sunik  
aammalu sunik akissarsitinneqarsinnaaneri oqallisigineqarnissai aamma uani pingaarpoq."*

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumi atuartunik CRAFT atorlugu unammisitsineq  
ullutsinnut naleqquttuullunilu pingaaruteqarpoq. Taamaattorli suliniut sulisutigut, piginnaasatigut  
aningaasatigullu atuiffiusariaqarpoq,



ingerlatsiviullu maannakkumuugallartoq taakku periarfissaqarfiginngilai.

Ingerlatsiviup suliatigut naliliinera ilanngussatut ilanngunneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatitalit**

- Atuarfik pillugu Inatsisartut inatsisissaattut siunnersuut nr. 15, 3 December 2012-imeersoq kap 8 § 38
- Kommunalbestyrelsip suleriaasissaatut aalajangersagaq §3

### **Ilanngussaq**

1. Kommuneqarfik Sermersuumi atuartut imminnut ilisareqatigiinnerulernissaannut ipadimik CRAFT atorlugu unammisitsisalersinnaanermik siunnersuut pillugu suliatigut naliliineq.

## **Punkt 5: 2022-mi politikkikkut ataatsimiiffissat**

### **Beslutning**

Inassuteqaat akuersissutigineqarpoq.

### **Bilag**

2022-mi politikkikkut ataatsimiiffissatut siunnersuut siulleq

## 2022-mi politikikkut ataatsimiiffissat

Aalajangiiffigisassaq

SagsID.: EMN-2021-11031

Suliffeqarfimmut Kiffartuussivik – vicekommunaldirektøri Marie Fleischer / MAFL

### Inassuteqaat

Suliffeqarfimmut Kiffartuussiviup Meeqqanut Atuarfeqarnermullu Ataatsimiititamut

inassuteqaatigaa:

- ataatsimiititap 2022-mi ataatsimiiffissai akuerineqassasut

### Suliassamik saqqummiussineq

Aqutsinermut inatsimmi § 8-mi allaqqavoq ”Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqarnissaannut kommunalbestyrelse pisussaavoq.”

Siunnersuutigineqarpoq, Meeqqanut Atuarfeqarnermullu Ataatsimiitimi ataatsimiittarnerit pingasunngornikkut nal. 14.00 ingerlanneqartassapput. 2022-mi nalinginnaasumik ataatsimiinnerit 8-t ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2022-mi politikikkut ataatsimiiffissat Naalackersuisunut nassiunneqassapput.

### Ingerlatsiviup aningaasaqarnikkut sulisutigullu naliliinera

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

### Suliffeqarfimmut Kiffartuussivimmit oqaaseqaatit

Suliffeqarfimmut Kiffartuussivimmit oqaaseqaateqartitsisoqanngilaq, Suliffeqarfimmulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

### Inatsisitigut tunngavissaq allakkallu tunngaviusumik uppersaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

### Siusinnerusukkat aalajangernerit

*Meeqqanut Atuarfeqarnermullu Ataatsimiititaq, 27.10.21:*

Amerlanerussuteqartuniit inassuteqaat itigartitsissutigineqarpoq imatut oqaaseqaatitalerlugu: nalinginnaasumik ataatsimiinnerit pingasunngornermi marlunut ingerlatiinnarneqarnissaat ataatsimiititamit kissaatigineqarpoq.

### Ilanngussat

1. 2022-mi politikikkut ataatsimiiffissatut siunnersuut siulleq

## **Punkt 6: Lukket**

## **Punkt 7: Lukket**

## **Punkt .: Taasariaqartut allat.**

### **Beslutning**

Finn Karlsen (N): Der er blevet gjort opmærksom på at man kan se pornografiske sider på skoleipaden i 1. klasserne. Hvordan kan man ordne det så disse sider ikke er tilgængelige?

Forvaltningen svar: Det er godt at der bliver gjort opmærksom på dette. Når det sker at elever kommer ind på sider som ellers er spærret på ipaden, så melder man det ind til Attat, så bliver siderne spærret.

Lone Rosengreen Pedersen: Tak for året der gik, god jul og godt nytår.

**Punkt .: Imaqarniliap akuerineqarnera.**

**Beslutning**

Imaqarniliaq akuerineqarpoq nal. 15:20